

e-rara.ch

**Disz ist die gouchmat so gespilt ist worden durch etlich
geschickt Burger einer loblichen stat Basel**

Gengenbach, Pamphilus

[Basel], [1519?]

Universitätsbibliothek Basel

Signatur: FM1 XI 5:11

Persistenter Link: <http://dx.doi.org/10.3931/e-rara-29079>

e-rara.ch

Das Projekt e-rara.ch wird im Rahmen des Innovations- und Kooperationsprojektes „E-lib.ch: Elektronische Bibliothek Schweiz“ durchgeführt. Es wird von der Schweizerischen Universitätskonferenz (SUK) und vom ETH-Rat gefördert.

e-rara.ch is a national collaborative project forming part of the Swiss innovation and cooperation programme E-lib.ch: Swiss Electronic library. It is sponsored by the Swiss University Conference (SUC) and the ETH Board.

www.e-rara.ch

Nutzungsbedingungen

Dieses PDF-Dokument steht für nicht-kommerzielle Zwecke in Lehre und Forschung sowie für die private Nutzung frei zur Verfügung. Es kann als Datei oder Ausdruck zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Terms and conditions

This PDF file is freely available for non-commercial use in teaching, research and for private purposes. It may be passed to other persons together with these terms and conditions and the proper indication of origin.



Disz ist die gouche

mat/so gespilt ist worden durch eilich
geschickter Burger einer loblichen
stat Basel, wider den Lebruch vnd
die sünd der vnkeuscheit.

Pamphilus Gengenbach

Durch bit ward ich gefochten an/
Ich solt diß faßnacht nit hinlan/
Solt machen yn ein nüwes spyl/
So jertz doch wer des vnmüts vyl.
Hat ich mich daruff bald bedacht
Vnd dise geüch züsamen bracht
In den man nit allein kurz wyl
kündt/sunder auch deß ernstes vyl/
Der nun die geüch wirt trassen an
Sie sich die wyb stäts geüchen lan.





Tulius li. i. De offi.
capitu. xxxviij.

Tulius. i. Retho.
Demas
Nithon



Eccli. vij. c
Eccli. 30. b
Hieronymus

Sie vöred

Kürzlich hat man lassen vß gan
Ein gdicht vnd das auch trucken lan/
Wie das vnkeüſcheit ſy kein ſündt/
Der iſt ganz verſtockt vnd blindt
Verfür die welt/ vnd leſtert got/
Kein ſünd vfferd / red ich on ſpot
Schwerlicher got je geſtroffet hat.
Sarumb dan jertzund diß gouchmar
Zü Baſel hat gefangen an
In der man clorlich wirt verſtan/
Was vbels dar von iſt entſtanden/
Wies jertzund auch in allen landen
So gröſſlich gnon hat vberhand /
Das mans nit me hat für ein ſchand.
Solchs hand iung burger wol betracht
Ein faßnacht ſpyl dar auß gemacht.
Got vnd der ſtat baſel zü eer
Vnd auch das ire kind nend leer
Sich zü hüten vor ſolcher ſünd /
Als ich in Tulio geſchriben ſind
Wo man dügent nit dar zü zücht/
Das ſie den wein vnkeüſcheit flücht/
So wirt zü leſt vß yn ganz nüt/
Als mir Demas deß kundtſchaft gydt/
So er ſinen brüder Nithon
Strafft/ das er jm hat ſinen ſon
Vppig gekleidt vnd geil gezogen
Sar durch die iugent noch wirt btrogen
Wan mans nit zug ſo vppiglich
Geſchech ſo vyl laſters nit/red ich.
Gibt dir got döchter oder knaben /
So ſolt die leer von mir hie haben
Züchs von aller lichtfertigkeit.
Hör was Hieronymus auch ſeit/

Sin Kinder solt nit anders leren
 San was zu der gogforcht thut leren/
 All vpigg gfang er dir verbüt/
 Auch vnkeüsch wort zu aller zyt/
 Tobias lert desglichen sein son
 Aller vnkeüschheit müßig gon.
 Desglichen ouch sant Augustin
 Vns warnt in eir epistel sin
 Sie erschribt zu Membridio/
 Ein schöne leer gybt er vns do/
 Spricht das der man zu aller frist
 Ein anfang der vnkeüschheit ist.
 Hör witer was er vns me seit/
 Ein anfang ist die reinigkeit
 Aller güter ding vfferden/
 Als wir clorlich berick;et werden/
 Set sie nit Joseph hoch erheben/
 Vnd macht Sanielem tröüm vßlegen.
 Ist sie nit die/die wirdig war/
 Das Maria gottes sun gebar.
 Ir sollen mich hie mercken recht
 Szy ding begert diß göüchisch gschlecht
 Sie nacht/dē winckel vnd dē wächter/
 Siß geüch sind all düfels vorsäck;ter.
 Also wil ich mein vorred bschliessen/
 Lang predigē thut die leüt verdriessen.
 Vnd wil mein spyl so fohen an/
 In dem man gar wol wirt verstan/
 Wie durch betrug auch wyber list
 So manch land stat zergangen ist.
 Auch mach man kon vmb lyb/güt/ eer.
 Vnd wie vnkeüschheit got der herr
 So hertiglich gestraffet hat.
 Vnd soch also an mein Gonchmar.

epistol. xix.

Tobie. iij. b

Aug. in epla ad
Membridiu.

Aug. in epla ad Bo
nifaciu milite.



Venus



Hoffmeister



Nun volgend her nach die sprüch von
wort zu wort wie sy gesprochen sind wor-
den in dē spyl/welches spyl genempt wirt
der Büler gouchmat.

Venus

Hoffmeister ich dir hie gebeit
Sas du ermanest do die leüt
Wie du sy sichst hie umbher ston
Sas sie vff gouchmat wellen gon
Vnd leben nach fraw Venus gbot/
Die schier die ganze welt in hot.
Kein stand ist jecz der sy veracht /
Sie hats allsant an sie gebracht.
Sie hofft sie werd hie nit veracht.

Der hoffmeister

Nun hören zu beid iung vnd alt
fraw Venus ist hie mit gewalt /
Sie hat die welt jecz gar umbgeben
Sas sie in irem willen leben/
Tag vnd nacht frü vnd auch spar/
Hat sies gebracht vff die gouchmat/
Fürsten herren/arm vnd rich
Münch pfaffen nunnen auch desglichen /
Vnd auch die alten grauen thoren
Sen hat sie allen dapffer gschoren /
Sie gouchfeder inen glat abglesen/
Sas sie gebracht so in ein wesen/
Sas ir allwält jecz dient zur frist.
Harumb sie jecz har kummen ist /
Ob sy mög finden hie ein stand/
Sie wyl sie jecz har alle landt
Durchfaren/ vnd an sie gebracht/
Meint sie sy werd hie nit veracht

Von iung vnd alt empfangen schon/
 Sen wirt sie gen ein güten lon.
 Sie auch niemands verschmahen ist
 Er sy arm rych zu aller fryst/
 Krum/lam/kropffecht/vngestalt/
 Sie wüsten bureniung vnd alt.
 Auch was den Colenbärg hat bessen
 Zu Basel/sollen nit vergessen
 Sond kummen auch vff diß gouchmat
 Sie sigen krum/lam/grundig oder glar.
 Was rot wälsch vnd auch mængisch kan
 Sie wil sie allsandt nemen an.
 Gbeit auch dem fäzger mit den glidē
 Sas sie nit wellen vß beliben.
 Was täglich braucht den sonnenboß
 Sie syen Klein/iung/alt oder groß.
 Set Zwickler auch mit sinem gfind/
 Vnd die die rübling rüren sind.
 Sie bregger vff dem tärich.
 Auch gugelstranz vff sinem strich.
 Vnd all die in dem haktis hucken.
 Sie auch hanswalter stätthüt trucken.
 Halle mit dem jochim.
 Sar zu auch gugelstrantzim.
 Sie sollen all vff gouchmat keren/
 Vnd helfen do frau Venus eren.

Cupido

Venus nun laß dich nit verdriessen/
 Sie geüch die kan ich gar wol schiessen/
 Sie sigen iung oder alt/
 So hab ichs all yn minen gwalt.
 Wan ich sie tryff mit minem gschütz/
 Vergessen sie vernunft vnd witz.
 Louffen dir noch als syendsblind/



Ser Narr



Ser jüngling



Vnd vberkumpst vyl hoffgesind?

Der Narr

Ich armer narr schry nacht vnd tag
 Das ich mich nimmerneren mag.
 Vorzyten zoch man vnß här für/
 Ietz müssen wir hüten der thür
 Hin für dörrffen nit schmecken wir.
 An fürsten höfen was vnß wol
 So fult man vnß tag vnd nacht vol/
 All kurz wyl thet man mit vnß triben /
 Waren allzyt by schönen wyben
 Sie hatten mit vnß fröid vnd müt.
 Nū gewints kein narr nimmer me güt/
 Was auch keir kummen me zum brät /
 Sydt der rüfel vff tragen het
 Sie geüch / in der wält iung vnd alt
 Bin ich verstoffen mit gewalt
 Vnd bin zū ein thorward gemacht
 Hüten der Houchmat tag vnd nacht
 Wie ich die selb vffthü / zūschließ.

Der Jüngling

Nach lieber narr das dich got grüß:
 Du fürst worlich ein grosse clag/
 Durch got ich bit du mir hie sag/
 Was dir so ernstlich lige an/
 Wo ich dir dan gehelffen kan
 Das will ich thün mit lyb vnd güt/
 Sarumb mein narr biß wol gemüt.

Der Narr

O schwig o schwig du iunger knab/
 Du züchst mir auch mein narung ab/
 Was mich alten narren solt begon

Das wilt du iunger auch beston.
 Worlich es zu erbarmen ist
 Das du so ganz beslecket bist/
 Wilt der vnkeuscheit also hört.
 Anselmus dichs worlich nit lert.
 Gibt vns gar clorlich zu verstan/
 Szy ding / die do sond hangen an
 Ser iugend / merck zu aller stundt/
 Das erst ist ein schwigender munde
 Ein lyb bekleit mit reinigkeir.
 Jugendt soll allzyt sein bereit
 Zu scham vnd auch gehorsam!
 Wan dise ding ir wonet by/
 Wirt sin gestrowt manch land vnd stat
 Valerius das wol betrachtet hat.
 Job mir des auch gut kundschafft gyt.
 Seneca der spricht zu aller zyt/
 Sol man der iugend pflanzen yn /
 Wie sie sol vnderwürfflich syn
 Gehorsam vnd dar zu danckbar.
 Witer soltu auch nemen war.
 Vorzyten die iungen thetten leren/
 Allzyt in ritterlichen weren/
 Dar durch sie wurden hoch geacht/
 So ist jecz nun der iungen bracht /
 Taglich bin win vnd auch bin wiben/
 Vnd vff der gasß vyl müt wils triben/
 Füren also den büben orden /
 Seß sind jecz itel geüch druß worden/
 Vnd mag kein narr vor yn me bliben/
 Saschüt das sie nit anders triben/
 Wan vff der gouchemat täglich louffen /
 Sich lond die wyber rupffen rouffen.
 Das sie werden so nackend blut
 Recht wie ein alte esels rudt.

Ansel. de similitu
 dinibus. c. xlvj.



Valerius. li. vii. c. v

Job. xxix

Seneca. epla. xxxviii



Seneca. epla. xxxi

Salustius





Genesis. iij. b
 Judicum. iij. d
 Genesis. xxxj. e
 Gen. xix. s



Gregorius Na-
 zanzenus
 Tullius
 Aug. in epla ad Bo-
 nifaciu m. lre.



Du bist ein narr hör ich zur frist /
 Weist nit das das kein nūws erst ist.
 Als ich von elten hab gehört /
 So hat es wollich lang gewart
 Vnd hat nit erst gefangen an.
 Betrog nit Eua den ersten man /
 Sizaram betrog schandlich Johel /
 Sessselbenglich thet ouch Rachel.
 Ward nit betrogen ouch der Loth /
 Darumb ich red wollich on spot /
 Keiner vfferd ist dem zu wyß.
 Darumb bit ich mit ganzem flyß /
 Thū vff laß mich vff gouchmat gon /
 Ein iunger muß gar vyl beston /
 Das dem alter vnmüglich ist.

Der Narr

Far hin ein iunger gouch du bist /
 Du wüerst noch wol gdencken an mich /
 Das du sein wirst ee laß dan rych.
 Sein iugent thut mich seer erbarmen /
 Wolt dich dar vor wollich gern warnen.
 Hör was Gregorius seit dar von /
 Wilt der wyber nit müßig gon /
 Sie machen dir thum sin vnd müß /
 Seer vernunfft vnküßheit we thut.
 Sein frien willen dir befleckt.
 Sein recht verstenuß ouch bedeckt.
 Das hirn dir auch dar von wirt leer.
 Vnd wirt din gsicht dunckel vñ schwer.
 Nacht dein antlüz bleich vngestalt /
 Wirst auch dar von geschaffen alt.
 Ein stincken arem es dir gydt /
 Stirbst auch eb kumpt die rechte yrt.
 Ich hab dich jertz gewarnt gnuß /

Du wirst gar wol frau Venus süß!
 Ich sich auch der geüch do so vyl ston
 Wüß ich sie all vff gouchmat lon/
 So mögen wir vor yn nit bliben/
 Werden vnß von der gouchmat triben.
 Das schafft Cupido der sich flyßt/
 Des nachtes redlich zü yn schüßt/
 Mit kachlen/häsen/alten schärben/
 So thünd die geüch erst dapffer werbē/
 Wan man schon ertlich mit seich bschüt/
 Noch lond sie von der gouchmat nit.
 Darumb ir geüch wie ir do ston/
 Mögen wol all vff gouchmat gon.

Der Jüngling

O Venus edle Jügin sin/
 Wie wol möcht ich din diener sin:
 Sin lieb bricht mir gar dick den schloff/
 Das ich des morgens wie ein schoff
 Gang vff der gassen wider vnd für/
 Das schafft das ich zü lieb hab dir
 Die nacht nüt gton dan hülen bällen/
 Ich mein der hymel hang vol schällen/
 Wein auch kein grösser fröid vff erd
 Sig/wan ich sähen mag den händ/
 Sen du so oft vnd dick bist gangen/
 Noch häd vyl me mein hartz vmbfangē/
 Sin süglin klar/früntlichen blick/
 Auch mündlin rot das ich sich dick/
 Darumb ich dir des nachts hoffieren!
 Ob mich so thünd dschüß kachlen rüren/
 Sess nim ich mich gar wenig an/
 Wan ich nun mag din lieby han.
 Bliben also vff gütem won/
 Willich gern vff der gouchmat gon.





Circis



Bschüt mā mich schon mit seich vñ krotz
Wenig mir das zū härzen gode /
Ich hab dannocht ein gūten mūt /
Es schmeckt mir wol vñ dūckt mich gūe

Der Narr

Venus das ist ein rechter Knab /
Der niemer me wirt lossen ab /
Wirt dir dienen biß in die grūb /
Wie woler ist ein iunger bīb /
So kan er sich ind sach wol schicken /
Ich mein Circis die soll im flicken.

Venus

Circis den Knaben nim zū dir /
Sie gouch hor jm eben abschir /
Wie Salida thæt dem Samson /
Solt jm dar nach ouch zwahen schon
Vber Camullen glat vnd rein /
Schick in dar nach sier mūter hein /
Vnd heiß in sūgen noch ein jor /
Biß im vergond die gouchs hor.

Circis

Jüngling du bist suber vnd glat /
Du fügst vnß wol vff diß gouchmat /
Den affen thanz den müstu leren /
Vnd das din mit vnß verzeren.
Sitz nider jüingling vff disen banck /
Die gouchor sind dir worden lanck /
Ich will dirs vber dē Kamp abschären /
Vnd dich auch recht erst bülen leren /
Rock hosen mantel vnd auch dāgen
Der soltu dich hie ganz verwegen /
Solts als frau Venus hencken an /
Vnd nackend wider zū huß gan.

Der Jüngling

Nach dinem willen will ich läben/
Als was ich hab wil ich dir geben/
Das ich nun mög din huld erwerben/
In dinem dienst wil ich ersterben.

Circis

Pfiffer nun pfiff vnß einen reien/
Narr ruff har zu pfaffen vnd leyen/
Sie syen arm oder ryck/
So sind sie allsamt wol für mich.
Ser lieby wil ich sie geweren/
Vnd inen auch die seckel leren.

Der narr

Ir geüch nun kumen allzum tantz/
Vnd auch dar zu herr gugelfrantz.
Wir wellen all in fröiden läben/
Venus wirt eüch den lon wol geben.

Der Jüngling

Se Circis lieber büle mein/
Als das ich hab das sol din sein/
Was ich vatter mütter kan abstellen/
Das bring ich dir on alles fälen.

Circis

Venus der Knab ist suber rein/
Ich rot man schick yn wider hein/
Biß das er widerumb wirt flück/
Ser gouch fleügt vnß zu häd noch dick.

Venus

Circis gyb im ein kurzen bscheid/
Vnd leg im an ein armes Kleid.

b ij





Ein zerrissen hembd vñ zwē bleig hosen
 Heiß yn bald ein säder bloßen/
 Ein falschen Kuß gyb jm zū lon/
 Vnd heiß yn zū syr müter gon/
 Vnd noch ein wyl das büblin sugen/
 Leer yn wie er soll heimlich kluben/
 Sir müter gält gürtel vnd ring/
 Vnd dir das selb dan heimlich bring.
 Sem vatter auch die täschen luf/
 Win vnd brot trag heimlich vß
 Sie wüerst vnd späck yem ab dē rouch/
 So wirt er dan erst recht zum gouch.

Circis.

Jüngling du bist mir gantz vnmar/
 Dir ist worden din seckel lār/
 Hast weder rōck mäntel noch pfandt/
 Darumb so heb dich bald vom landt.
 Diß gouchsäder ich dir schenck
 Dar by allzyt fraw venus gdenck.

Der jüüling.

Der Eeman. Suber vnd glar gang ich dar von/
 Fraw Venus hat mir gen den lon.
 Ich wil gar bald här wider kon.

Der Eeman.



Du alter narr was stost du hie/
 Ich bit dich drumb/nun sag mir wie
 Ich vß die gouchmar ouch mög kümē/
 Von der ich hab so vyl vernommen:
 Wie man so vyl kurz wyl do tryb/
 Das ich verlaß mein kind vnd wyb/
 Vnd will auch vß diß gouchmar gon/
 Wan man mich darumb schiltet schon.

Der Narr.

Du armer gouch wie bist so blind /

Hast du do heimen wyb vnd kind/
 Vnd wilt erst vff die gouchmat gon
 Wir armen narren schaden thün.
 Ser sich allein deß solt erneren,
 Num hör was ich dich hie will leren/
 Die wil du bist ein Leman
 Sölent dir dry ding hangen an.
 Sz ist d'glaub / hoffnung vñ lieb
 Halst du die nit so bist ein dieb.
 Vnd verachst den almächtigen got
 Ser die Lese selb vffgsetzer hor.
 Als Genesi clorlich ist gschriben.
 So wilt du jcz din spot vß triben /
 Vnd halten für ein güchery/
 Als das es nun ein thant māt sy.
 Gab dir das got nit wol zverstan/
 So er beschüfft den ersten man/
 Vnd macht vß sinem ryp ein wyb/
 Siß sind zwo seel vnd ist lyb/
 So by du gouch magst wol verston
 Das diser mat solt müßig gon.
 Vnd dinem wyb recht glauben halt/
 Wāñ dines lybs hastu kein gwalt.
 By Sulpitia solt ein bispyl nemen /
 Welche ir müter nit mocht demmen/
 Surch grosse hüt die do beschach/
 Das sie nit solte volgen nach
 Frem man / der in Cecilia was.
 Noch bracht die lieb zū wegen das/
 Das sie der müter do entran
 Mit list / vnd kam zū irem man.
 Emilia thet ouch deß gelich.
 Valerius thut ouch bscheiden dich/
 In sinem bñch lieplich vnd schon/
 Von wybern in Lacedemon /



Gen. ij. d
 Ephe. iij. g

Hugo de sacramen-
 tis. pre. xj. ca. xij.
 j. L. orin. vij. a
 Valeri⁹ de fide vro-
 ria li. vij. ca. vij.



Emilia vxor Africa-
 ni. Ibidem.
 Valerius li. iij. de fi-
 de vxoria

Julia filia cesaris
vror Po mpei.

Phortia filia mar
aronis



Cuphatius

Emphatius

Die durch liebi vnd grossen lyst
Hand iren mannen läben gfrist.
Du gouch dem soltu gdencken nach/
Hör was eins keisers tochter bschach/
Julia was sich genant die güt/
So dise sach/ das was mit blüt
Besprenckt Pompeius rock nim war/
Vor grossen schrecken sie gebat.
Phortia bgieng auch ein grosses mort/
So sie Brutum erschlagen hort/
Ser do was ir eelicher man/
Ein grosse sach die fieng sie an/
So sie kein woffen haben mocht/
Ein nūwen tod sie ir erdocht.
Gliend colen so lang inschlandt/
Bis sie ir iunges hartz verbrandt
Sydt das die wyber solchs hand gran/
Gar vyl me schuldig sind die man/
Zū halten trew vnd stätigkeit/
Sar von Valerius vyl seit.
Hat vnß vyl schöner bispyl geben/
Wie die heiden hand gfürt ein läben:
Ser ich dir zwen hie nemen wil/
Wie wol ich wüß noch ir gar vyl.
Sie ich jergund wil bliben len.
Sir sagen von ein trüwen man.
Kam nit Cuphatius in gross not
So er vernam seins wybes tod/
Vor grossen leid das im do gschach/
Ein mässer in sein brust er stach.
Emphatius desselben glich/
So er sin fraw sach wie ein lych/
Thet er von stund selb dören sych.
Wilt dir das nit zū hartz lon gon/
Magstu wol vff die gouchmat gon:

Der Leman

Du seist mir do vyl stemplery/
Ich mein daß halb erlogen sy.
Sarumb venus du künigin rein
Du bist die mich jertz fröwt allein
Wib vnd kind wil ich verlan /
Vnd wil allein dir hangen an.
Dir kouffen rock mäntel vnd schuben /
Mein frau lassen die finger sugen /
Ob sie schon müssen bätlen gan /
So leit mir wollich wenig an.
Zins vnd gült thū ich verkouffen /
Sich nun mög vff gouchnat louffen /
Vnd dienen dir frau venus zart /
Das thut din lieb zwingt mich so hart.

Venus.

Ein rechter gouch bistu für mich /
Circis die kan wollerren dich /
Sin wyb vnd kind zu bätler machen /
Sar nach din spotten vnd auch lachen.

Circis.

Kum hār mein lieber Leman /
Sie gouchfader soltu von mir han /
Wan ir venus die liebsten sind /
Verderben ir schon wyb vnd kind /
So lyt ir wollich wenig an.
Wan jertz nit weren die Leman /
So möcht venus nit han den bracht /
Sie haltens vff mit ganzer macht /
Es sy in stetten vff dem land
Mit essen trincken vnd gewand
Sienend sie venus gar süßlich /
Also wend wir ouch geüchen dich.
Wie ich Olyxi hab gethon /
Gib ich dir wollich ouch den lon.



Der Leman

¶ Circis das selb mir als glich gilt/
Nun mach vß mir recht was du wilt/
Ich wil mich dich gern lassen geüchen/
Soltest du mir schon ind oren seichen/
Sar an lyt mir wollich ganz nüt/
Venus allein mir fröide gide,
Wan ich möcht han mit ir ein tanz/
So wer die lieb erst wollich ganz.



Circis.

Gib har die ring ab diner hend/
Vnd züch ab dinen rock behend.
Ein alte iüß solt tragen an/
Den seckel auch do binden lan,
Pfyß vß spylnan mein güter fründ/
Wan dier gouch der ist ganz blind,
Wyb noch kind sichter nit an/
Sarumb muß er ein vorthantz han,
Der zecken ist er ledig worden/
Er fügt nun wol yn bättler orden.



Circis

¶ Se bin die jüß vnd bättler schüssel/
Henck nun an wasserkrüg den trüssel/
Vnd gang heim wider zü dein wyb/
Su fügst nit wol für venus lyb.

Der Leman.

¶ Der gouchmat hab ich ouch genüg/
Ich bin nit me raw venus süß.
Die zäcken sind mir abalesen schon/
Ein böse jüß hab ich zü lon/
Suber glat bin ich vß griben/
Wer ich by wyb vnd kind beliben/
So dörfte ich disen spot nit han/
Auch in her wie ein bättler gan.
Venus schüß mir ein dräck vß dnasen/



Ser Narr

Das seiß was darffstu klagen dich/
Du bist ein narr grösser dan ich.
Wie gfalt dir nun frau Venus wesen/
Mir ist man hab dir d'stöck abglesen/
Vnd dir die sädern thun v'srupffen/
Gang heim laß dir dein frauen zupffen/
Laß dich nit me nach Venus dürsten/
Man wirt dir sunst vyl anders bürsten/
Ser bettelstab stor dir gar fry/
Du fügst nun gar wol vnder bly.
Vnd sant niclaus v'm schynbain jeichē/
Also thut venus iren geüchen.

Der kriegzman

Du alter narr nun sag mir an/
Was mag dir doch ligen an/
Das du hie also trurig stast/

Ser Narr.

Das sag ich dir bald lieber gast.
So hab ich hie ein grosse peini/
Das ich müß lassen vß vnd in
Sie geüch sie syen arm oder rych/
Sarumb so lüg eben für dych/
Wilt du ouch vß diß gouchmar gon/
Glaub mir dir wirt auch gen der lon/
Man sicht nit an dein wilden bart/
Duch das du inher trift so hart
Als wolst all welt darnider trätten/
Venus wirt dir gen so vyl z'netten/
Mit iren iunck'rauen schon/
Das du wüßst wie ein gret do ston.

Ser Kriegeman.

Du seist mir do ein selzam mār/
Nun bin ich darumb kummen hār/





Venus



Das ich frau Venus auch beschach
 Got geb was mir darumb beschach.
 Mit Kriegen hab ich mich lang gnert /
 Das wil mir werdē nun zū hört.
 Ich wolt nun gern der bülschafft pflägel
 Vnd haben ein güt rüwig läben.

Ser Narr.

¶ Du bist ein armer Kriegsman /
 Sin liden wirt erst sohen an /
 So bald du vff die gouchmar gast /
 Wirst haben tag vnd nacht kein rast.

Ser Kriegskman.

¶ Kein mensch vff erd mir das erwert /
 Hab von frau Venus so vyl ghört /
 Wie das sie kōn mit klügen sachen /
 Auß mannen halbe wyber machen.
 Das ich auch sach solch obenthür
 Bin ich Venus här kōn zū dir.
 Soch wil ich mich nit geüchen lon /
 Ich hab so manche schlacht gethon /
 Hab allzr dapffer gwogt mein lyb /
 Solt mich dan geüchen erst ein wyb /
 Das müst ich mich immer me schamē /
 Wo ich nun kēn zū andern mannen.

Venus

¶ Circe wie gfalt dir der Kriegsman /
 Kan er nit dapffer in her gan /
 Er meint er wöl darüber sin /
 Das wir nit sōllen geüchen in.

Circe.

¶ Venus darumb dōrfft ir nit sorgen /
 Der gouch der müß so gar erworgen /
 In iwer lieb sag ich für wor /
 Daser müß ston do wie ein dor /
 In einem hembd vñ auch ein schleier /
 Er dunckt sich sin ein kliner meyer.

Kriegsman was thüstu dar zü sagen /
 Ich wolt ee mit min swäre dun schlagē /
 Vnd auch mit miner halleparten /
 Ir dörfsten do mein nüt lang warren.
 Thünd ir mich so für schlecht ansehen /
 Ich thün es by der warheit sehen /
 Ich hab mein tag so vyl bestanden /
 Vnd solt erst werden do zü schandē /
 Das wer wölich ein grosse plog.
 Wie wol kurglich ouch ein bittog /
 Mein Litter heyni Winckelried /
 Saser schandlich von dannen schied.
 Acker vnd matten / was er hat /
 Das hat sie in vffgriben glar.
 Huß vnd hoff ouch als sein vych.
 Das ich hie by der warheit gych /
 Er bracht nun dar vō ein rock mit bletzē.
 Dar für dörfsten ir mich nüt scherzen.
 Ich bin meins lybs ein künner heldt /
 Wan eüch mein lieby nüt gefelt /
 So dörfsten ir mich nüt lang äffen /
 Ich wolt eüch sunst vfft dnasen traffen.

Venus.

O lieber Kriegsman nüt also /
 Du wirst noch miner lieby fro.
 Werst du nüt gern by hüpschen frowen /
 Kum här vnd laß dich recht beschowen
 Sie dir fröid kurgwil kōnten machen /
 Es wer manchem in der pfannen bachē.
 Nun lüg die hüpschen fröwlin an /
 Wolstu dich die nüt geüchen lan.
 Sie sind so lieplich vnd so rein /
 Wan du schon werst ein ruher stein /
 Vyl herter dan ist ein magnet /
 Nachten vß dir dānocht ein greter.





Der Kriegsman:

Venus du rühst mir gar wol sagen /
Solt ich erst leren ein schleier tragen
Vnd in ein bad hemd in her gan /
So spottet mein doch jederman.
Wie wol ich Venus zu aller stund /
Gedenck an dinen roten mund /
Sar zu auch an din schönen wort /
Sas ichs schier als setz vff ein ort /
Vnd laß die leüt schwezen vnd sagen /
Wolt schier durch dinent willen tragen
Hembd /schleyer /stürz vnd stuchen /
Nicht lon nach allem vorteil bruchen.
Was godt mich dan an jederman /
Wan ich nun mag dein lieby han /
Küssen allein din mündlin rodt /
Wein hertz nimmme zu kriegen stodt.

Venus.

Judi. xvi. d



Valerius. li. ix. c.)



Wie bistu so ein dorecht man /
Sunckst du dich sin vber Samson /
Der doch der sterckst gewesen ist /
Vnd ward betrogen durch mein list.
Seßgliche Hector der künne heldt /
Sar zu Troylus der vßerwelt /
Achilles vnd auch Hanniball /
Surch mich wurden betrogen all.
Priamus der kam sein vmb das rich.
Alexander verlor en lyb durch mich.
Auch ward Jason durch mich verbrät /
Vylland vnd stet hab ich geschant /
So bald ich ein land besitz mit gwalt /
Thün ich vergifften iung vnd alt
Wüñch /pfaffen vnd auch leyen /
Sas sie all springen minen reyen /
Vernunfft vnd witz fart in do hin /

Sarumb vyl lieber kriegsman min/
 Stell dich nit fast gen mir zü wer/
 Es wirt dir wollich sunst zü schwer/
 Sarumb thü mir nit widerstrebē/
 Vnd thü dich ganz an mich ergeben.

Ser Kriegsman.

¶ Fraw Venus mich hie recht vernim/
 In diner lieb ich also brün/
 Das ich dir allzyt will dienen ouch/
 Ob du schon machst vß mir ein gouch/
 Das hab ich mich wol halbs verwegen/
 Sess kriegens wil ich nümme pflegen.
 Du hast mir jecz so manchen gnant
 Sie durch din lieb sind wordē gschandt/
 Solt ich dan erst vyl sunders machen/
 Ob mein die die leüt schon spotten lachē/
 Das bekümmert mich wollich nit vyl/
 In dinem dienst ich bliben wil.

Venus.

¶ Palestra nun gang hin behend
 Bring im ein schleier vnd ein hembd/
 Züch im bald ab sein harnasch gürt
 Sar zü auch sinen säder hüt/
 Vnd setz im vff den schleyer wyß/
 Leg im auch an das hembd mit fliß/
 Vnd sitz in vff die gouchmar dar
 Das do all wält nem eben war/
 Wie Venus vß einē kriegsman
 So bald ein greten machen kan.

Ser Narr.

¶ Venus ein göttin aller lieb/
 Ich bit laß mir den gredschē dieb/
 Ser sich so grusamlich hat gsfelt/
 Als ob er zwingen wolt all welt/
 Vnd stot doch hie recht wie ein dyn/

c iij





Ein groesser gouch mag er wol sein.

Palestra.

¶ Du narr laß mir den kriegsman gan /
Ein vorthant muß er mit mir han.
Kum här du liebster kriegsman mein /
Weinst das du wolst darüber sein /
Das venus dich nit geüchen lor /
Sich wie würstu jezund zü spor.
An dysen reyen müstu trätten /
Vnd mir helffen die gouchmat knetten /
Wo ist dein tügen vnd dein schwärt /
Du bist jez nit eir lauß me wärt /
Auch ist dir worden din seckel lâr /
Fraw Venus bystu ganz ynmâr.
Mit dysem thant hab dē vßschwanc /
Vff dyser mat sum dich nit lanck /
San dir wirt hie kein ander lon /
Sen spormüstu zum schaden hon.

Der kriegsman.

¶ Sar für het ich wollich geschworen /
S mich Venus het gmacht zum thoren /
Vnd mir abgürt harnasch vnd schwert /
Mir auch verzert mein gütes pfärdt /
Der ich doch gern welt dienen noch /
So schlecht sie mir dschufflen fürs loch /
Thüt mich bald vff die gouchmat seichē
We dem der sich also lor geüchen

Der Narr.

¶ Für war das solt dir nit sein gschähē /
Ich hab nie finern kriegsmang sähen /
Sir stot der schleier so wol an /
Wo hast dein hallenpart gelan
Sein säderhüt vnd auch den tügen /
Mir ist das kriegensy dir glegen.
Du stost do wie ein kuche mätz /

Sir fñgt nun wol ein schüssel blatz/
 Ein kunkel/spinnel vnd ein wñrtē.
 Also muß man die kriegsleir gñrtē/
 Sie also fröidig wellen sin
 Wan sie sitzen bñm kñlen win/
 So wend sie han allein den bracht/
 Sagen von mancher grosser schlacht/
 So ist es nñr dan ein thant mår /
 Wie zñchst du nun so hübsch do hår/
 Ein kriegser sichst du ganz vnglich/
 Vnd bist ein grösser narr dan ich.

Der Doctor

Nun sag mir du vyl alter narr/
 Ein witen weg kñm ich dort har/
 Hab ghört wie zbasel in der stat
 Hab vff gerichtet ein gouehmar
 Venus ein kñngin diser wålt/
 Das selb mir worlich wol gefelt.
 Hab auch clorlich von ir ghört sagen /
 Das sie ganz niemådts vß thñ schlagen
 Sarumb du narr solt sagen mir/
 Wie ich auch kñnnen mög zñ ir.

Der Narr

Ich armer narr muß erst dar von /
 Sydt das es jertz dar zñ ist kon/
 Das die doctores iung vnd alt/
 Wend auch vfft gouehmar mit gewalt.
 Sind ir ein doctor der geschryfft /
 Vnd hand nñr glåsen wie vergyfft/
 Venus so manchen gleren man/
 Müssen worlich ir eñch ouch lan/
 Auff diser mar erst deponieren/
 Vnd die gouehfåder vmbher fñren/

Der Doctor.





Du alter narr was darffstu sagen/
Wie ich muß ein gouchfäder tragen /
Ich hab in ein tag so vyl gstudiert
Das mich venus gleicht nit verfür:

Der Narr.

Doctor das laß dich nit verschmähem/
Es ist kürzlich auch ein geschähen /
Den hat venns so gar verblent
Das er vor aller wält ward gschendt
Wie wol er ein Astrologus was/
Er kont aber nit sähen das/
Das sinet venus Leman kam/
Dem er kum yn ein kylch entran:
Darumb gar eben dich versich /
Ich hab jetz gnüg gewarnt dich/
Du bist der selb du btriegst dan mich.

Der doctor.

Dschwig du narr vnd laß mich machē/
Ich kan gar wol mit disen sachen.
Seß hymels louff deß bin ich vol/
Seß süg ich für straw Venus wol.

Der Narr.

Far hin du gouch lüg wol vff dsach /
Das sie kein esel auß dir mach.

Der doctor

D Venus mit diner brunnst/
Du hast mir gnummen all mein kunst.
Das ich hie gangrecht wie ein thor/
Als mit der narr hat gsagt hie vor.
Wie wol ich der Astrology
Ein meister bin/ vnd der arzny
Ein doctor/ vnd wol bewärt/
Wie wol man spricht ich sy nit glert /
Ist mir dochs hymels louff wol kundr/
In dem ich mich dan üb all stundr.

Bim burenschü kan ichs vsmassen /
 Ob ich schon etwas thün vergessen /
 Seß nim ich mich gar wenig an /
 Ein gouch nit all ding sehen kan /
 Sas schafft venus thut mich so geüchē.
 Sas ich vergyß gar dick der zeichen.
 Noch dunck ich mich gar clug mir sach /
 Kostliche practica ich mach
 Sar in ich seze regen vnd wind /
 Bim burenschü ichs allzyt find.
 Wan man soll wandern vber landt /
 Sie verworffnē tag sind mir wol bekant /
 Sen Krieg vnd wan man sol sterben /
 Find ich in schaw venus ars kārben.
 Gut aspect thün ich auch setzen /
 So mit ich thün vyl lüt verlegen
 Sasse ir tag vnd nacht nend acht /
 All ander Asirelogi ich veracht.
 Es ist auch keiner vber mich /
 Sie andern thün all geschenden ich.
 Wan win vnd Korn verderben sol /
 Sasse lb ich auch kan sehen wol /
 Es werd wol seil oder thür.

Ser Narr.

O schwig du gouch sarn salt es dir.
 Du seist wie win Korn solt erriren /
 Vnd theist vyl güter lüt verjüren.
 Seist vyl von keltry vnd von ryffen /
 Du bist ein gouch das muß mā gryffen.
 Nun lüg wie ist der win verderben /
 Ich welte ee das du werst erworben.
 Ich gloub worlich du seist der frieß /
 Ser so vyl leüt thüt widerdrieß.
 Geistlich wällich thüt geschenden /
 Wan man dir auch so schmürbt die lende.





Ben. i
Ecc. xxxix. c

Act. i. 2

Aug. iij. de trinita.
Bernar. ho. xxvij



Als man dir luncfraw hat gethan/
So lieft vngschent mäch frommē man/
Sich ist es nit ein grosse clag/
Du setztst vnß do verworffen tag/
So durch lesters den höchstē got/
Vß sinen worten machst ein spot/
Wie wols die kilch bün ban verbüt/
So kerst du dich doch dar an nüt/
Sein geüchery thüß dar vß triben.
Weist nit was Genesis stor gschriben/
Am ersten capitel nimbē eben für dich/
Ecclesiasticus lert dich auch deß glich/
Paulus thüt dir auch solichs weren/
Als er dan thet die Rōmet leren
Actuū am ersten gar fry/
Findst das dū kunst ist geüchery.
Augustinus dich auch leren ist/
Kein edler gmüt zū aller frist
Ist/dan das seingbresten erkent/
Vnd nit zū legt dem firmament.
Woltestu yn grossen eebruch leben/
Die schuld dar nach dem hymel geben/
Wan dir got sandt darumb ein stroff/
So bist wollich ein tolles schoff.
Wir hend deß vyl schöner figuren/
Du verfürst vyl güter schlechter buren/
Wünch leyen vnd auch pfaffen/
Sie machstu all mit dir zū affen.
So es allein stor in gots gwalt/
Vff din kunst ich gar wenig halt/
Ich wolt dir noch gar vyl me sagen/
Wan man mires narren wurd vertragen/
Den geistlichen es zū gehört/
Ein narr soll haben sin gefört.
Dir theologi wyt vnd breyt

Sie do findes saltz der christenheit/
 Als Martheus cloirlich thut schriben / 5
 Solten solch geüch nit lassen bliben/
 Sy weren in clöster oder stetten/
 So solt man solich geüch vßietren/
 Und thün das mit der oberkeit/
 Wie wol mancher vyl dar von seit/
 Schryt vff der kangel tag vnd nacht/
 Der wirt täglich durch sie veracht/
 Kein Theologus mag me vor in bliben/
 Sie verachtens all in irem schriben.
 Wend jezund alls and greci werdē/
 Studierēs fast in venus kēbē/
 Wan sies Appeli in badstub fieren /
 Solch münch solt mā mit beglē schmirē/
 Es lert sie nit sant Augustin/
 Das sie poeten sollen sin/
 Vnd auch dar zū Philosoſy
 Sarumb doctor merck wol hie by/
 Das du got solt regieren lon.
 Deuteronomij findst cloirlich ston/
 Prouerbiorū solt mercken eben/
 Das du dem gstein solt dschuld nit gebē/
 Allein solch stroff kumpt vß der sünd/
 In der wir ligen also blind.
 Sarumb so laß alrucaba/
 Vnd dar zū auch alpheta/
 Almarech vnd alchathoth
 Kasdagol vnd alioth
 Sin hoffnūg setz allein in got/
 Thün got sein vñheil nit abroten/
 Sir wirt sunst venus ein kappē schrotē.
 Sie stelle fixe thünd dich versüren /
 Thün dich hinstürter baß regieren/
 Thün nit frum biderb lüt vßrichten /
 So thüt man dich auch nit vernichten.

matth. v. b



Deutero. xxiij. c
 Prouer. i. c
 Hiere. xviij
 Esa. lvi. b





Der Doctor.

Ein böser narr worlich du bist /
In dir hast du vyl arger lyf /
Der ich mich doch nim wenig an /
Wan mich venus nit thet verlan /
Der Bibel wolt ich wol geschwigen /
Was all Philosophi hand gschriben
Durch ir leer mir anleitung geben
Wie ich solt süren ein güt läben /
All wyber wolust hand sie veracht /
Das ich worlich gar wenig acht.
And Venus hab ich mich ergeben /
In irem dienst so will ich läben.

Venus.

Der doctor kumpt mir eben recht /
Er dunckt mich sin ein güter knecht
Er weiß gar wol Venus natur /
Vnd dunckt mich sein ein rechter lurt /
Sie gouchfäder wirt in gar wol zieren /
Ich wil in vff die gouchmat süren
Als ich Aristoteli hab gethon /
Vergilio vnd auch Salomon /
Besiglich Dauid dem vatter sin /
Der doch der gröst prophet ist gsin /
Das man in sinen schriben spürt
Der selb durch mich ouch ward verfür.
Do Helys sün mein huld erworben
Sind sie als bald gächling gestorben.
Darumb dich früntlich zu mir kôr /
Als du gethon hast noch biß her.
Weißt nit das ein gemein sprüch wort ist
Das wein frawen zu aller frist
Vß wisen lüren geüch thünd machen
Palestra thün zu disen sachen.
Bin disen gouch vnder die sporen /

Vnd mach im bald zwey esels drien/
Wie du dem Lucio hast gethon /
So gyb auch disem gouch den lon.
Palestra.

¶ Kum här mein liebes doctorlin/
Du magst wol nit fast gleret sin.
Als Hasfirt vñ noch me thünd schreibē/
Wit esel schmar wil ich dich riben/
Vnd gib dir dar nach ein reien /
Wirt dein Caualgart wol erfröwen /
Das man thet mit ein bengel schmierē/
Die esels hut wirt dich wol zieren.

Der Doctor.

¶ Palestina was du gebütest mir /
Das thün ich als nach dir begir /
Vnd lyd es als gern mit gedult/
Das ich nun hab frauw venus huldr.

Palestra.

¶ Larr nun gryff den gouch bald an /
Lass lügen was ich glernet han.
Ob ich doch Kön mit klügen sachen/
Aus disem gouch ein esel machen.

Palestra.

¶ Larr nim den esel by dem schwantz/
Vnd heiß dir machen einen thantz /
Zeig yn bald dysen geüchen allen /
Wie yn der doctor thü gefallen.

Der Larr.

¶ Ir geüch nun nemen eben war/
Hie farr der starnensäher har /
Der vyl der gleren hat veracht /
In syre Practick die er hat gmacht/
Stumb im ist worden auch der lon /
Vnd muß hie wie ein esel ston.
Du gouch byst ye gewesen gleret.





So hastu dich doch wüß verkeret /
 Kondstu im Astrolabiū nit finden /
 Sas dich Venus wurd vberwinden /
 Aß dir ein gouch vnd esel machen /
 Billich sol man din spotten lachen /
 Vyl lieber ich ein narr bin /
 Wan das ich müst ein esel sin /
 Hon vff der gouchmat wie ein fych /
 O ho ich vyl do vmbher fych /
 Wan sie all hätten esels oren /
 Sied dfrowen machē geüch vnd thore /
 Wir möchten vor yn nit beliben /
 Man müst ein theil fürs thor vstriben

Der alt gouch

Nun sag mir an vyl alter dor
 Wes wardstu hie vor disem thor /
 Ich mein das hie sy die gouchmat /
 Von der man mir vyl gsaget hat /
 Die wil ich gern beschen auch /
 Heisse man mich schon ein alten gauch /
 Sas bekümmert mich wollich nit vyl /
 Eingeite schenck ich dir thün wil /
 Sas du dich nit welst lon verdriessen /
 Vñ mir die gouchmat bald offschliessen /
 Wie wol ich gang an einer kucken /
 Wolt ich mich dānocht früntlich smuck /
 Zu frau Venus der künigin zart /
 Vnd wer mir noch so graw der bart

Ser Narr

Du alter grawer wüßer tropff /
 Sarumb so schlortert dir der kopff /
 Wend dich nit tragen me die bein /
 Ich rot du gangeß wider hein /
 Du wüßst sunst ganz zu schandē werd /
 Sie ließ dich nit schmeckē and krebē

Hastu vyl gulden in der täschen /
 Die kan sie dir schon vñher nāschen /
 Zeigt dir dar nach gar bald die thür /
 Ein vnwerd gast wirst du sin jr.

Der alt Gouch

¶ Schwig du nart du weist nüt drumb /
 Nun hilff das ich bald zü ir kum.

Der Nart.

Nach du vyl alter grower man /
 Wiltu erst vñ die bülschafft gan /
 Das doch dem iungen ist zü schwer.
 Von Paulo soltu nen die leer /
 So bald als der ward zü ein man /
 Sagt er der iugendt werck hindan:
 Papias setzt dir auch dar by /
 Das alter soll gantzlich sin fry
 Der iugendt glüht / solt mercken mich.
 Tullius der rhüts auch leren dich /
 Er spricht / ein durchleucht alter ist /
 Das do hymnimpt zü aller freyst
 Die böß begirlicheit der iugendt.
 Seneca setzt vyl von dyser tugendt.
 Du alter gouch solt füren ein läben /
 Das möchst ein güt exempel geben /
 Aller iugendt nach dinem rodt /
 Als Machabeorū geschriben stor
 Von Eleazaro dem bider man
 Der dan solichs auch hat gethan:
 So bystu schier hundert ior alt /
 Vnd wilt ein gouch sin mit gewalt.
 Hör du vyl alter grower rhor /
 Esaias spricht von hundert ior
 Ein böses kind wirt sterben /
 Werck gottes huld nimmer erwerben. §
 Nun gast du täglich vñ der grüb /



1. Corin. xij. c

Papias
 Sen. epist. xviij.
 Tul. de senec
 cure. c. liij

Sen. ep. lxxvij

q. machabeo. vj. f



Esa. lxx. d



Vnd wilt thün wie ein iunger bñb,
 Far hin ich hab dir gnüg geseit /
 Wan ich dir schon all gschrifft für leit /
 Vnd trüg die ganze bibel här /
 So wer es dir doch als vnmär.

Der alt Gouch.

Wo wollich narr du hast wor /
 Schluß mir nun vff gar bald das thor /
 Vnd laß mich zü frau Venus treten /
 Ich wil sie gar rüntlichen betten /
 Sie sieht vyllicht mein seckel an /
 Lat mich auch sein ir lieber man.

Hie kumpt der alt zü frau Venus.

Nun grüß eüch got ir schönen wyb /
 Nun fröwt sich als gblit in minem lyb /
 Nim hertz das socht jecz an zü gumpel /
 Erst thüt die lieb recht in mir rumpl /
 Sen stecken wil ich nümme tragen /
 Niemandt mir sel vom alter sagen /
 Mein mund ist worden wider sücht /
 O ho wie sind die füß so licht /
 Sich regen jecz all meine hor /
 Vnd godt mein ganzer lyb embor /
 So ich dich Venus nun anblick /
 O got verlychst mir solich glück /
 Das ich mit ir möcht han ein thantz /
 Ich hoff die liebe wer dan gang.

Venus.

Circis nim an den alten gouch /
 Im thüt noch wollich wol der rouch /
 Schmeckt nach der kuchi wie ein hund /
 Ein küles erdtrich wer im gund /
 Er wolt erst gern ein reien springen /
 Wir wend im ein ander liedlin singen /
 Glim bald von im den seckel schwer.



Vnd bring jm bald ein hoffkleid här/
Züch jm auch ab den sydin rock/
Schick vffdgouchmat den alten stock.

Circis.

¶ Du alter gouch tritt här zü mir/
Den seckel wil ich leren dir/
Vnd dir geben ein ander kleid/
So hastu dan ouch din bescheid.

Ser alt gouch

¶ Venus verlaß mich nit so ganz/
Laß mir doch machen einen thantz/
Das sich erfröw mein altes härz/
Das nach dir leit so grossen schmärz.

Venus.

¶ Mach vff ein thantz dem alten gouch/
Vnd setz jm vff ein sädes ouch.

Circis.

¶ Hör vff der gouch hat sin genüg/
Er ist nit wol me vnser fug/
Sein seckel ist jm worden lycht/
Recht wie ein todter dör här schlicht
Das gumpeln ist jm jetz vergangen/
Nun sächt wie im die backen hangen/
Er sol nit me dan in schysgraben/
Vnders rothfaß vmb die kirchen trage.

Ser alt gouch.

¶ Ich alter gouch was hab ich gron/
Mich hat betrogen mein alter won/
Das ich gieng vff diß göuchmat här/
Ses ist mir worden der seckellär/
Zü dem ich bin ein alter man/
Muß ich den spot zum schaden han/
Noch hab ich all mein tag gehört
Es sy ein gütmol händkens wärt.

Ser Narr.





¶ So soll man thun den alten thoren/
 Wir ist venus die hab dir gschoren.
 Du armer büler von nünzig ioren.

Ser Pur.



¶ Wie recht bin ich ind stat jertz kummē/
 Das ich hab von venus vernommen/
 Wie sie zū land sy kummen hār/
 Das sind mir wollich güte mār.
 Sān ich ir allzyt hab begārt/
 Wie wol ich hab gearbeit hōrt/
 Wir hacken vnd auch grūten/
 Sāien Wāien zū allen zyten
 Vnd dar zū auch gen acker gon/
 Das wil ich jertzund als lonqon/
 Vnd wil auch gon vff die gouchmar
 So frau venus ist so glar/
 Wir iren schönen iunck frauen/
 D got möcht ich sie gnüg anschowen/
 Sarumb geb ich ayer in ancken/
 Wolt ir dar zū gar früntlich dancken.

Ser Pur.



¶ Fraw venus edle künigīn zart/
 Sir zū künfft ich so fro wardt/
 Das ich vō meinem pflug thet louffen/
 Vnd solt den ancken do ver bouffen/
 Sar zū auch dysen korb mit eyer/
 Mein frau het gern eingālen schlafer/
 Sar zū hab ich im huß kein brot/
 Nun thūt es mir talig so not/
 Wān irs frau venus wolten nen/
 Von hārgen wolt ichs eūch gern gen/
 Got geb was seit mein böses wyb/
 Sie ist so yngstalt an dem lyb/
 Das ich ir bin so ghāssig worden/
 Ich will nun lassen fōglīn sorgen/

Vnd wil frau Venus dienen auch/
Was ist das man mir jet ein gouch/
Sie wyl geystlich wälglich arm vñ rych/
Sind geüch worden als wol als ich.
Sarumb Venus hör mich hie recht/
Ich wolt dir sein ein trüwer knecht.

Venus.

¶ Hyb har den ancken grober pur/
Sir wirt mein lieb noch wol zesur.

Ser Pur.

¶ Venus das thün ich wollich gern/
Wiß schon mein weib schleiers embern
Wine kind auch liden hungers not /
Es wenig mir zü hätzen gods.

Venus.

Palestra nim den ancken vnd auch eyer/
Vnd thün ein thantz mit disem meyer.
Circis thü du vnß kñchlin bachten/
Vnd auch eyer in ancken machen /
Sein kinder werdens nit erlachen.

Palestra.

¶ Pfyffer pfyff vff biß wol gemüt /
Sie eyer in ancken werden güt /
Sen puren vnd wir reysig machen:
Das im noch müß die hut drüb krachē!

Circis.

¶ Nun sitzen nider zü dem rysch/
Sie kñchlin sind gebachen frysch /
Es ist jeczund vor der fastnacht
Das man vyl geüch vnd narren macht/
Vnd schickts vff gouchmat hin vñ hār/
Biß jnen wirt der seckel lār.

Sie Peürin.

¶ Borz jomer was sol ich sagen/
Har dich der tüfel hār getragen:
Wo ist der ancken vnd die eyer.





Oder bringst mir einen gälen schleier /
 Vnd das brot das du soltst kouffen;
 Nun beir ich wil dics hor vßrouffen/
 Vnd will dir der frau venus geben/
 Got neme mir dan hie min läben/
 Thut dir die büßary so not /
 Vnd hand din kind do heim kein brot/
 Ich wil dir gen der büßschafft/
 Ser rit der schüt dich dan ind krafft.
 Ich wil dir dinē kopff zerzusen/
 Vnd anders dan frau venus lusen.

Ser Narr.

Nur wie schmeckt dir dz eier im schmaltz
 Wan gybt dir jecz dar zū das saltz.
 Wan mā die geüch thet all so schmieren/
 Venus könt nit so vyl versüren.

Ser Pur.

O ich armer ellender pur /
 Wie wirt mir mein lieby so sur/
 Sas ich zū dir venus ye kummen byn/
 Wirt mir mein frau wol trencken yn /
 Wir lassen weder tag vñ nacht kein rü /
 Ich geb dar für mein beste kü.

Sie Peürin.

Nach dich harnach du schnöder pur/
 Ich mein dir muß noch werden zsur/
 Sie klichlin vnd ayer in ancken.
 Sas dirs der düßel müsse dancken /
 Wüstu das din also verfüllen /
 Vnd louffst erst noch de schnöden trülle/
 Ich meint du werst so from vnd schlechte
 Nun ler ich dich erst kennen recht /
 Vnd han dich doch wol xl. jor ghan /
 Hast nie also zū mir gethan /
 Byst nie so geyl by mir gewesen/

Ich wil dir baß die flösch ablesen /
Sarumb mach dich bald vff den wäg /
Ob ich dir d'fust vff d'nasen gäb.

Ser Pur.

O liebe gretö thün mir gmach /
Dañ ich bin worlich also schwach /
Das ich gar kümmerlich mag gon /
Ich mein es sy mir an gethon.

Ser Narr.

¶ Halt peürin thün nit so gahen /
Ich müß im vor die prütschen schlahē /
Sas er allzyt an Venus gdenck /
Vnd ir me eyer in ancken schenck.

Ser Narr.

¶ Nun tretten züher lieber Knaben /
Ein freys mütlin wend wir haben /
Vnd trätten har an disen ring /
Vnd lüg ein jeder das er sing.
Wir haben hie ein bürschen man /
Mit dem so wend wir kurz wyl han /
Er hat sich Venus angenummen /
Vnd ist zü ir vffgouchmar kummen /
Sein hartz hat er mit ir erkält /
Hier vnd ancken hat er verbült.
Wan sich ein narr do bald bedächt /
Vnd ein kübel mit wasser brächt /
Das man dem burend das loch berib /
Vnd im die böse hüz vertrib /
Wie man dan thüt zü aller fryst /
Einer hennen die do brütig ist.

Sie Peürin.

¶ Du schnöder pur wie gsalt dir das /
Narr herstu yn nung droffen baß /
Sarumb welt ich dir trewlich dancken /
Nich rewt jecz nit das ayer in ancken.

e iij





Venus!

¶ Hoffmeister nun sum dich nit lanck/
Sag mir den geühen allen danck/
Rych vnd arm wie sie do ston/
Das sie mir zdiens sind do hâr kon;

Der Hoffmeister.

¶ Nun hören zû mein lieben leüt/
Fraw Venus mir hie ernstlich gbeüt/
Das ich eüch grossen danck soll sagen/
Das ir sie so empfangen haben/
So fleißlich sind vfft gouchmar kûmē/
Das hat sie mit grossem dâck vffgnûmē
Sy kan auch mercken wol dar by/
Das dise stat wol für sie sy/
Sarumb sie dan hat für sich gnon/
Ir wâsen hie ein zytlang hon.
Vff das man sie dest baß wiß zfinden.
Willich ir wonung hie verkünden.
Zû Basel in der Walentz gassen/
So hat sich fraw Venus nider glassen/
Mit iren töchtern iung vnd alt/
In grossen eren man sie halt/
Buwt inen ouch ein kostlich wesen/
So findt man töchterlin vßerlesen/
Klein gross wie mans wil haben/
Sie auch eim kônen den seckel schaben/
Vnd dar nach vff die gouchmarie lûche/
Zû den andern armen geüchen.
Sarumb wer jemanz der ir bgert/
Der wirt gar früntlich von in gwârt/
Jung alt mûnch vnd psaffen/
Was gern godt vff der gouchmar gassen
Wider vnd für ind winckel iucken/
Vnd durch die kleinen fensterlin guckt/

Aug 9

7





